

ՎՐԱՍՏԱՆԻ ԽՈՐՀՐԴԱՐԱՆԻ ՆԱԽԱԳԱՀԸ
ՄԱՅՐ ԱԹՈՌՈՒՄ

Հունվարի 18-ին Մայր Աթոռ Ս. Էջմիածին այցելեց Վրաստանի Խորհրդարանի պատվիրակությունը՝ Խորհրդարանի նախագահ Զուրաբ ժվամիայի գլխավորությամբ։ Մեծահարգ հյուրին ուղեկցում էին Հայաստանի Հանրապետության Ազգային ժողովի նախագահ Բաբկեն Արարքցյանը, Վրաստանում ՀՀ արտակարգ և լիազոր դեսպան Լևոն Խաչատրյանը, Հայաստանում Վրաստանի Հանրապետության արտակարգ և լիազոր դեսպան Գրիգոր Բարամիձեն, Կրոնի գործոց պետական խորհրդի նախագահ Լազար Սուջյանը, պաշտոնական այլ անձինք։

Վեհարանի ընդունելությունների սրահում պատվիրակությանը ընդունեց Մայր Աթոռի դիվանապետ Գերաշմորի Տ. Ներսես արքեպիսկոպոս Պողապալյանը։ Զերմ գրուցի ընթացքում Վրաստանի Խորհրդարանի նախագահը կարևորեց եղբայր և դրացի ժողովուրդների սերտ գործակցությունը։ Պրն. ժվամիան հայտմեց, որ Վրաստանում բարձր են գնահատում Նորին Սրբություն Գարեգին Ա Ամենայն Հայոց Կաթողիկոսի եկեղեցաշեն գործունեությունը և հաղորդեց Վրաստանի նախագահ Էդուարդ Շևարդնաձեի և իյյա Բ Պատրիարքի ջերմագին ողջույնները։

Ողջունելով հյուրերին՝ Մայր Աթոռի դիվանապետ Ներսես արքեպիսկոպոս Պողապալյանը նշեց, որ հայերը և վրացիները Կովկասում քրիստոնյա երկու ազգեր են և պարտավոր են իրար թե ու թիկունք լինել։ Սրբազան Հայրը հայտմեց, որ արտասահման հովվապետական այցելության մեկնած Վեհափառ Հայրապետը տեղյակ է այս այցելությանը և իր ողջույններն է հղում Վրաստանի ողջ պատվիրակությանը։

Ընդունելությունից հետո հյուրերը եղան Վեհարանի սրահներում, ծանոթացան այնտեղ պահվող մշակութային և հոգևոր արժեքներին։

